

D^a. OLGA ALONSO SUÁREZ, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión ordinaria do **30 de setembro de 2016**, adoptou o seguinte acordo:

19.- PRÓRROGA DO CONTRATO DE “ALUGUEIRO DE MAQUINARIA DE OBRA PÚBLICA, CON E SEN MAQUINISTA, PARA A REPARACIÓN DAS INFRAESTRUTURAS VIARIAS E OUTROS EQUIPAMENTOS CONEXOS DE TITULARIDADE MUNICIPAL”. EXPTE. 70983/250.

Visto o informe de fiscalización do 21/09/16, dáse conta do informe-proposta do 14/09/16, do xefe do servizo de Vías, Obras e Infraestruturas, conformado polo xefe do servizo administrativo e Control Orzamentario, polo asesor xurídico da área de Fomento, polo concelleiro-delegado de Fomento e polo concelleiro-delegado de Orzamentos e Facenda, que di o seguinte:

De acordo coa orden de inicio do Concelleiro Delegado de Fomento para o inicio do expediente conducente a aprobación da prorroga polo período dun ano do contrato para o actual contrato de “aluguer de maquinaria de obra pública, con e sen maquinista, para a reparación das infraestruturas viarias e outros equipamentos conexos de titularidade municipal”, subscrito coa mercantil CONSTRUCCIÓN, OBRAS E VIAIS, S.A. (COVSA) (CIF A-36.008.886), procede a emisión do seguinte informe proposta:

1.- Antecedentes

OBXECTO DO CONTRATO: Aluguer de maquinaria de obra pública, con e sen maquinista, para a reparación das infraestruturas viarias e outros equipamentos conexos de titularidade municipal que ten encomendado o taller de Vías e Obras

CONTENIDO ECONÓMICO:

Presuposto total: 871.200 euros

IVE a soportar pola administración: 151.200 euros

Valor estimado do contrato: 1.440.000 euros

APLICACIÓN PRESUPOSTARIA: 1532.210.00.00 “conservación de viais e espazos públicos”

PLAZO DE EXECUCIÓN: 2 anos

PRORROGA DO CONTRATO: si, dúas prórrogas dun ano de duración cada unha (cláusula 4C das FEC).

GARANTIAS ESIXIBLES: Cláusula 10 das FEC.

- PROCEDE CONSTITUÍR GARANTÍA PROVISIONAL: non
- PROCEDE CONSTITUÍR GARANTÍA COMPLEMENTARIA: non
- PROCEDE CONSTITUÍR GARANTÍA DEFINITIVA: si (5% do prezo de adxudicación do contrato excluído o IVE)

FINALIZACIÓN PRAZO PRESENTACIÓN OFERTAS: 4 de agosto de 2014

ADXUDICACIÓN: Xunta de Goberno Local do 31 de outubro de 2014

FORMALIZACIÓN DO CONTRATO: 31 de outubro de 2014.

INICIO CONTRATO: 1 de novembro de 2014

ADXUDICATARIO: Contruccion, Obras y Viales S.A. (CIF A-36.008.886)

2.- Xustificación da prorroga:

A cláusula 4C das FEC establece que o contrato poderá prorrogarse en períodos anuais ata un máximo de dúas anualidades.

A finalización do prazo dos dous anos do contrato finalizará o vindeiro 31 de outubro de 2016.

Deuse trámite de audiencia ao contratista adxudicatario por se estivese interesado en formalizar a prórroga do contrato polo período de un año. Obra no expediente a conformidade do mesmo.

O contrato actual se axusta adecuadamente as necesidades do Taller de Vías e Obras da Area de Fomento do Concello de Vigo. As FEC, na súa cláusula 3.J establece que non procede a revisión de prezos. A título estimativo consultouse a variación do I.P.C. dende o intre do inicio do contrato ata a data na que se realiza este informe, sendo esta variación do -0,5 %. Tendo en conta que a baixa ofertada no seu momento polo contratista resulto ser do 35,50 % sobre todos os prezos unitarios do contrato, pode considerarse adecuada a vixencia dos prezos, polo que considerase xustificado, proceder a prorroga dun ano para o actual contrato de “aluguer de maquinaria de obra pública, con e sen maquinista, para a reparación das infraestruturas viarias e outros equipamentos conexos de titularidade municipal”, subscrito coa mercantil CONSTRUCCIONES, OBRAS Y VIALES, S.A. (COVSA) (CIF A-36.008.886).

O obxecto do contrato atópase vinculado ao exercicio das competencias municipais previstas no art. 25.2 d) da Lei 7/1985 Reguladora das bases de Réxime Local, na redacción dada pola Lei 27/2013 no seu artigo 8.2 d) “infraestruturas viarias e outros equipamentos da súa titularidade”.

O gasto proposto, estableceuse tamén de acordo co principio de sustentabilidade financeira, de acordo o cumprimento da exixencia do artigo 7.3 da Lei Orgánica 2/2012, de 27 de abril, de Estabilidade Orzamentaria e Sustentabilidade Financeira, por entender que o prezo de licitación proposto atópase dentro dos créditos vixentes no actual orzamento. Polo cal esta proposta de gasto non suporá ningún desequilibrio orzamentario por atoparse contemplada no orzamento vixente e o gasto proposto non contempla ningunha outra obriga que se derive do mesmo, xa que a mesma ten a consideración da execución dunha obra de carácter finalista para o Concello.

3.- Aplicación orzamentaria:

Para a súa financiación aplicaranse os créditos do vixente orzamento do Concello de Vigo, incluídos na aplicación orzamentaria da area de Vías e Obras, da partida 1532.210.00.00 “Conservación de vías e espazos públicos”, a cal cumpre a condición de crédito suficiente e adecuado.

Con data 21 de novembro de 2014, solicitouse da Intervención Xeral o desglose dos 435.600 € anuais do contrato coas cantidades que se reseñan:

Anualidade	Importe inicial	Importe reaxustado
2014	145.200 euros	95.200 euros
2015	435.600 euros	435.600 euros
2016	290.400 euros	340.400 euros

Por tal motivo, solícitase continuar o ano de prórroga do contrato co mesmo desglose solicitado entón. Polo tanto, as cantidades correspondentes as anualidades 2016 e 2017 do ano de prórroga serán as seguintes:

2016	95.200 euros
2017	340.400 euros
TOTAL	435.600 euros

4.- Proposta:

De acordo con todos os aspectos expostos e previa fiscalización desta proposta por parte da Intervención Xeral do Concello, propónse a Xunta de Goberno Local a adopción dos seguintes

ACORDOS:

Primeiro: Autorizar a prórroga do contrato adxudicado por acordo da Xunta de Goberno Local, na sesión de ordinaria de 31 de outubro de 2014, a favor da mercantil CONSTRUCCIÓN, OBRAS E VIAIS, S.A. (COVSA) (CIF A-36.008.886), para o “aluguer de maquinaria de obra pública, con e sen maquinista, para a reparación das infraestruturas viarias e outros equipamentos conexos de titularidade municipal”, (expediente nº 70983-250) por un importe total de 435.600,00 euros e unha baixa porcentual única respecto dos prezos unitarios definidos no prego de prescricións técnicas particulares do 35,50%., polo prazo dun ano, a partir do 1 de novembro do ano 2016, nas condicións previstas no devandito contrato.

Segundo: Aprobar o gasto máximo a favor da mercantil CONSTRUCCIÓN, OBRAS E VIAIS, S.A. (COVSA) (CIF A-36.008.886), para o período dun ano a partir do 1 de novembro de 2016, polo importe máximo de 435.400,00 €, con cargo a partida 1532.210.00.00 “Conservación de vías e espazos públicos”, de acordo coa seguinte desglose por anualidades:

Anualidades	Importe con IVE	IVE
2016	95.200,00 €.	16.522.32 €.
2017	340.400,00 €.	59.077,68 €.
Total	435.600,00 €.	75.600,00 €.

Dito importe máximo será de aplicación os prezos unitarios especificados no PPTP.

Terceiro: A presente prorroga do contrato deberá ser formalizada co adxudicatario, para o cal deberá proceder a manter a fianza definitiva, polo 5% do valor do prezo máximo do contrato excluído o imposto sobre o valor engadido.

Cuarto: Notificar o presente acordo ao adxudicatario CONTRUCCIONES, OBRAS Y VIAIS, S.A. (COVSA), ao Servizo de Contratación e á Intervención Municipal.

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a trinta de setembro do ano dous mil dezaseis.

MXLP/me

V. e Pr.
O ALCALDE,

Abel Caballero Álvarez.